

სახელმწიფო შესყიდვების შესახებ ხელშეკრულების პროექტი

ხელშეკრულება N

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

ქ. მცხეთა

_____ 201_ წ.

ერთის მხრივ, სსიპ საქართველოს ინტელექტუალური საკუთრების ეროვნული ცენტრი „საქპატენტი“ (შემდგომში „შემსყიდველი“), წარმოდგენილი მისი საფინანსო დეპარტამენტის უფროსის ვლადიმერ სიხარულიძის სახით, და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების შესახებ კანონის და მიმწოდებლის სატენდერო წინადადების საფუძველზე, №SPA----- ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია/დამოწმებულია ელექტრონულად, მასზე თანდართული ყველა დოკუმენტით.
- 1.2. „დღე“, „კვირა“, „თვე“ – კალენდარული დღე, კვირა, თვე.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს მომსახურების გაწევას ხელშეკრულების ფარგლებში.
- 1.5. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. ხელშეკრულების საგანს წარმოადგენს: სსიპ „საქპატენტის“ 2020 წლის საკუთარი სახსრების ფარგლებში, საქპატენტის ბალანსზე არსებული ავტოსატრანსპორტო საშუალებების: „Hyundai IX35 2.0“ ავტომატური გადაცემათა კოლოფი (გამოშვების წელი - 2012, საიდენტიფიკაციო ნომერი - KMHJU81VDCU526090), „Hyundai SantaFe 2.2“ ავტომატური გადაცემათა კოლოფი (გამოშვების წელი - 2013, საიდენტიფიკაციო ნომერი - KMHSU81XDDU141068) და „Hyundai Elantra 1.6“ ავტომატური გადაცემათა კოლოფი (გამოშვების წელი - 2013, საიდენტიფიკაციო ნომერი - KMHDG41CBDU804382) შეკეთებისა და ტექნიკური მომსახურების (CPV-50112000) (სერვისი-სათადარიგო ნაწილებით) შესყიდვა, შემსყიდველის მოთხოვნის შესაბამისად წარმოქმნილი საჭიროების მიხედვით.
- 2.2. პრეისკურანტი - დანართი № თან ახლავს ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

- 3.1. ხელშეკრულების საერთო ღირებულება: ----- ლარი.
- 3.2. პრეისკურანტის ღირებულება: ----- ლარი.

4. შესყიდვის ობიექტის მახასიათებლები

- 4.1. გასაწევი მომსახურების აღწერილობა და ფასები განისაზღვრება ელექტრონულ ტენდერში მიმწოდებლის მიერ წარმოდგენილი თანდართული დოკუმენტების -----
----- შესაბამისად, რომლებიც წარმოადგენენ წინამდებარე ხელშეკრულების განუყოფელ ნაწილს.
- 4.2. მომსახურების გაწევა იწარმოებს ყოველი კონკრეტული შემთხვევისათვის შედგენილი დეფექტური აქტის საფუძველზე, რომელშიც მითითებული იქნება გასაწევი მომსახურების/სათადარიგო ნაწილის სახეობა, რაოდენობა/მოცულობა, მათი ღირებულებები.

5. მომსახურების გაწევის პირობები:

5.1. ვადები:

- 5.1.1. მომსახურების გაწევა განხორციელდება ხელშეკრულების ძალაში შესვლიდან 2020 წლის 31 დეკემბრამდე, საჭიროებისამებრ, შემსყიდველის მოთხოვნის შესაბამისად. მიმწოდებელმა შემსყიდველის მოთხოვნისთანავე უნდა უზრუნველყოს შემსყიდველი ოპერატიული, რიგგარეშე, მარალხარისხიანი მომსახურებით, მიმართვიდან შემდეგ ვადებში: ფილტრებისა და სამუხრუჭე ხუნდების შეცვლა - არაუმეტეს 1 (ერთი) სთ.; სავალი ნაწილების შეცვლა/აღდგენა - არაუმეტეს 1 (ერთი) სამუშაო დღე; ძრავის, გადაცემათა კოლოფის და ხიდების ძირეული შეკეთება - არაუმეტეს 5 (ხუთი) სამუშაო დღე; ელექტრული დეტალების შეცვლა/აღდგენა - არაუმეტეს 1 (ერთი) სამუშაო დღე.

5.2. ადგილი:

- 5.2.1. მომსახურების გაწევა განხორციელდება მიმწოდებლის მისამართ(ებ)ზე: -----
-----.

5.3. ტექმომსახურების ჩატარების წესი:

- 5.3.1. ავტომატური ტექნიკური მომსახურება ჩატარდება მხარეთა მიერ შედგენილი და შეთანხმებული დეფექტური აქტის საფუძველზე;
- 5.3.2. ყოველ გაწეულ მომსახურებაზე მხარეები შეადგენენ გაწეული მომსახურების დამადასტურებელ დოკუმენტებს, რომელშიც მითითებული უნდა იყოს გაწეული მომსახურების დეტალური აღწერა, გამოყენებული სათადარიგო ნაწილების, საცხებ-საპოხი მასალების რაოდენობა, ერთეულის და საერთო ღირებულება;
- 5.3.3. საჭიროების შემთხვევაში, ისეთი მომსახურების გაწევის ან ამ მომსახურებისათვის საჭირო სათადარიგო ნაწილის შესყიდვისას, რომელიც არ არის გათვალისწინებული პრეისკურანტში, „შემსყიდველსა“ და „მიმწოდებელს“ შორის გაფორმდება შეთანხმების აქტი და ფასი დადგინდება საბაზრო ფასის გათვალისწინებით. ასეთ შემთხვევაში პრეისკურანტში მომსახურების/საქონლის რომელიმე ერთეულის არარსებობით გამოწვეული შესყიდვის ხვედრითი წილი არ უნდა აღემატებოდეს პრეისკურანტის ჯამური ღირებულების 10%-ს.

6. შესყიდვის ობიექტის მიღება-ჩაბარების წესი

- 6.1. მომსახურება ჩაითვლება გაწეულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის და საგადასახადო ანგარიშ-ფაქტურის წარმოდგენის საფუძველზე.
- 6.2. შემსყიდველი უფლებამოსილია უარი განაცხადოს უხარისხო მომსახურების მიღებაზე.
- 6.3. შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება -----

7. ანგარიშსწორება

- 7.1. ანგარიშსწორება მოხდება უნაღდო ანგარიშსწორებით საქართველოს ეროვნულ ვალუტაში.
- 7.2. ანგარიშსწორება მიმწოდებელთან განხორციელდება ეტაპობრივად, ფაქტიურად გაწეული მომსახურების შესაბამისად, შესაბამისი დოკუმენტაციის (დეფექტური აქტი, მიღება-ჩაბარების აქტი, საგადასახადო ანგარიშ-ფაქტურა) წარმოდგენიდან არაუგვიანეს 10 (ათი) კალენდარული დღის ვადაში.

8. მხარეთა ვალდებულებები

- 8.1. „მიმწოდებელი“ ვალდებულია:
- 8.1.1. წინამდებარე ხელშეკრულების შესაბამისად განახორციელოს შემსყიდველის ხარისხიანი და გარანტირებული მომსახურება;
- 8.1.2. უზრუნველყოს მომსახურების გაწევა ოპერატიულად, შემსყიდველის მიმართვისთანავე;
- 8.1.3. ავტომატური დაზიანებული (გაცვეთილი) ნაწილი უნდა შეიცვალოს ახალი (არამეორადი) ნაწილით და შეესაბამებოდეს ავტომობილებისათვის დადგენილ სტანდარტებს. შემსყიდველთან წინასწარი შეთანხმებით, მხოლოდ გამონაკლის შემთხვევებში, დასაშვებია მეორადი ნაწილ(ებ)ის გამოყენება. მიმწოდებლის მიერ, შეცვლილ და/ან აღდგენილ დეტალებზე უნდა ვრცელდებოდეს გარანტია: სავალ ნაწილებზე არანაკლებ 6 თვე; ძრავზე, გადაცემათა კოლოფზე და ხიდებზე არანაკლებ 1 წელი ან 25000 კმ.; ელექტრულ მოწყობილობებზე (გარდა ელ. მცველებისა და ნათურებისა) არანაკლებ 1 წელი; გარანტია არ ვრცელდება გარეგანი ზემოქმედების შედეგად მიყენებულ ზიანზე. იმ შემთხვევაში, თუ აღმოჩნდება რომ მიმწოდებლის მიერ არ არის სრულყოფილად გაწეული მომსახურება ან/და შეცვლილი ნაწილი აღმოჩნდება წუნდებული, მიმწოდებელი ვალდებულია აღმოჩენილი ხარვეზი აღმოფხვრას საკუთარი ხარჯებით. საგარანტიო პერიოდის ფარგლებში, შეცვლილი დეტალი (მისი სწორი ექსპლუატაციის პირობებში) თუ გამოვა მწყობრიდან და ავტომობილის გადაადგილებას შეუქმნის საფრთხეს, მიმწოდებელი ვალდებულია მოახდინოს ადგილზე შეკეთება ან ავტომატური ევაკუაცია შესაბამის სერვის ცენტრში საკუთარი ხარჯებით.
- 8.1.4. დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 8.2. შემსყიდველი“ ვალდებულია:

- 8.2.1. მოახდინოს ანგარიშსწორება მიმწოდებელთან ხელშეკრულების პირობების შესაბამისად.

9. მხარეთა უფლება

9.1. მიმწოდებელს უფლება აქვს:

9.1.1. ხელშეკრულების ფარგლებში მოითხოვოს გაწეული მომსახურების შესაბამისი დროული დაფინანსება.

9.2. შემსყიდველს უფლება აქვს:

9.2.1. აწარმოოს გაწეული მომსახურების ხარისხისა და მოცულობის კონტროლი;

9.2.2. ცალმხრივად შეწყვიტოს ხელშეკრულების მოქმედება იმ შემთხვევაში, თუ მიმწოდებელი ვერ უზრუნველყოფს ხელშეკრულებით ნაკისრი ვალდებულებების ჯეროვან შესრულებას. ხელშეკრულება ცალმხრივად შეწყვეტილად ითვლება, აღნიშნულის შესახებ, მიმწოდებლისადმი გაგზავნილი წერილობითი შეტყობინებით.

10. ფორს-მაჟორი

- 10.1. ფორს-მაჟორი ნიშნავს მხარეებისთვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის ან/და მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი.
- 10.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედებები, ეპიდემია, კარანტინი, საბიუჯეტო ასიგნებების მკვეთრი შემცირება, სახელმწიფო გადატრიალება და სხვა).
- 10.3. მხარემ, რომელსაც შეექმნა ფორს-მაჟორული გარემოება ვალდებულია დაუყოვნებლივ, მაგრამ არაუგვიანეს 10 (ათი) დღისა წერილობით შეატყობინოს მეორე მხარეს აღნიშნული გარემოების და მისი აღმოფხვრის სავარაუდო ვადის შესახებ.
- 10.4. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.
- 10.5. მხარეები ანახლებენ ხელშეკრულებით ნაკისრი ვალდებულებების შესრულებას ფორს-მაჟორული გარემოებების აღმოფხვრისთანავე.

11. პირგასამტეხლო ხელშეკრულების პირობების შეუსრულებლობისათვის

- 11.1. მხარეთა მიერ ხელშეკრულების პირობების შეუსრულებლობა, არაჯეროვნად შესრულება ან/და წინამდებარე ხელშეკრულებით გათვალისწინებული ვადების დარღვევა გამოიწვევს მათ პასუხისმგებლობას მოქმედი კანონმდებლობითა და წინამდებარე ხელშეკრულებით დადგენილი წესით.
- 11.2. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მხარე უფლებამოსილია დააკისროს დამრღვევ მხარეს პირგასამტეხლო

ყოველ ვადაგადაცხლებულ დღეზე შეუსრულებელი ვალდებულების ღირებულების 0,02%-ის ოდენობით.

- 11.3.იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 1%-ს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 11.4.პირგასამტეხლო დაერიცხება მხარეს ვალდებულების სრულად შესრულებამდე.
- 11.5.შემსყიდველს უფლება აქვს მოახდინოს პირგასამტეხლოს გამოქვითვა მიმწოდებლისათვის გადასახდელი თანხიდან.
- 11.6.მხარის მიერ ხელშეკრულების პირობების სრული ან ნაწილობრივი დარღვევის და/ან შეუსრულებლობის შემთხვევაში, მეორე მხარეს უფლება აქვს წერილობით მიუთითოს მას აღნიშნულ გარემოებაზე და მოსთხოვოს მისი გამოსწორება გონივრულ ვადაში (რაც შეტყობინების სახით ეგზავნება მეორე მხარეს), ხოლო შეტყობინებაში მითითებული ვადის გასვლის შემდეგ შეწყვიტოს წინამდებარე ხელშეკრულება. საქართველოს სამოქალაქო კანონმდებლობით გათვალისწინებულ შემთხვევებში მხარე უფლებამოსილია შეწყვიტოს ხელშეკრულება გონივრული ვადის დაწესების გარეშე.
- 11.7.ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს ეკისრება პირგასამტეხლო ხელშეკრულებით განსაზღვრული თანხის 10%-ის ოდენობით, რომლის გადახდაც მოხდება შემსყიდველის მიერ დასაბუთებული წერილობით მოთხოვნის მიღებიდან 10 დღის ვადაში.
- 11.8.მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.
- 11.9.მხარეთა მიერ წინამდებარე ხელშეკრულების პირობების დარღვევის შემთხვევაში მათ მიერ ზიანის ანაზღაურება და პირგასამტეხლოს გადახდა არ ათავისუფლებს მათ ხელშეკრულებით გათვალისწინებული ვალდებულების შესრულებისაგან.

12. ხელშეკრულებაში ცვლილებების შეტანა

- 12.1.ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 12.2.საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
- 12.3.ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ხელშეკრულების შესრულების შეფერხება

- 14.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.
- 14.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

15. ხელშეკრულებით ნაკისრი ვალდებულებების შესრულების ინსპექტირება

- 15.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია მომსახურების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 15.2. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით, თუ დადგინდება რომ ხარვეზი ან ნაკლი გამოწვეულია მიმწოდებლის მიზეზით.

16. ხელშეკრულების მოქმედების ვადა და შეწყვეტის პირობები

- 16.1. ხელშეკრულება ძალაში შედის _____ და მოქმედებს _____ მდე.
- 16.2. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.
- 16.3. ნებისმიერ მხარეს შეუძლია ცალმხრივად შეწყვიტოს წინამდებარე ხელშეკრულება მეორე მხარის მიერ წერილობითი შეტყობინების მიღებიდან 10 (ათი) დღის ვადაში, იმ შემთხვევაში, თუ:
- 16.3.1. ხელშეკრულების ერთ-ერთი მხარე სისტემატიურად არღვევს ხელშეკრულების პირობებს;
- 16.3.2. წინამდებარე ხელშეკრულების მე-12 მუხლით გათვალისწინებული შემთხვევების დადგომისას არსებითად იცვლება ხელშეკრულების პირობები;

- 16.3.3. დაუძლეველი ძალის (ფორს-მაჟორი) მოქმედება გრძელდება 1 (ერთი) თვეზე მეტ ხანს;
- 16.3.4. წინამდებარე ხელშეკრულების 11.3. და 11.6. პუნქტებით გათვალისწინებულ შემთხვევას ექნება ადგილი.
- 16.4. ნებისმიერ მხარეს შეუძლია ცალმხრივად შეწყვიტოს ხელშეკრულება საქართველოს სამოქალაქო კოდექსით გათვალისწინებული საფუძვლებით..

17. დასკვნითი დებულებები

- 17.1. ხელშეკრულება შედგენილია ქართულ ენაზე და ხელმოწერილია/დამოწმებულია ელექტრონულად.
- 17.2. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს წინამდებარე ხელშეკრულებით ნაკისრი ვალდებულებები მესამე პირს.
- 17.3. წინამდებარე ხელშეკრულების ნებისმიერი მუხლის, პუნქტის ან/და დებულების ბათილობა ან/და ძალდაკარგულად ცნობა არ ახდენს გავლენას მთლიანად ხელშეკრულების ან მისი დანარჩენი მუხლების, პუნქტების ან/და დებულებების ნამდვილობაზე.
- 17.4. ურთიერთობანი, რომელიც არ არის რეგულირებადი წინამდებარე ხელშეკრულებით, რეგულირდება მოქმედი კანონმდებლობის შესაბამისად.

18. მხარეთა რეკვიზიტები და ხელმოწერები

„შემსყიდველი“

„მიმწოდებელი“

სსიპ საქართველოს ინტელექტუალური საკუთ-
რების ეროვნული ცენტრი „საქპატენტი“
მისამართი: ქ. მცხეთა, ანტიოქიის ქ. №5
საიდენტიფიკაციო კოდი: 203831363
საბანკო რეკვიზიტები:
მიმღების ბანკი: სახელმწიფო ხაზინა
მიმღების დასახელება: ხაზინის ერთიანი ანგარიში
ბანკის კოდი: TRESGE22
სახაზინო კოდი/ანგარიშის ნომერი: 707807132

საფინანსო დეპარტამენტის უფროსი
ვლადიმერ სიხარულიძე